



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-488-5/24**

Datum: **16.12.2024. godine**

«Agencija za vodno područje rijeke Save» Sarajevo rješavajući po zahtjevu korisnika - pravnog lica «ZE-STEEL GALVANO» d.o.o. Zenica, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «ZE-STEEL GALVANO» d.o.o. Zenica za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I» na zemljištu označenom kao k.č. broj: 290/16 i 290/17 K.O. Zenica I, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja, dostavljenog detaljnog dinamičkog plana i uz sljedeće uslove:
 - 2.1. Da se upotreba i korištenje predmetnog pogona vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, u skladu sa dostavljenim dinamičkim planom, ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 31.05.2026. godine završe radovi na prikupljanju i tretmanu tehnoloških otpadnih voda odnosno radovi na izgradnji postrojenja za tretman tehnoloških otpadnih voda te ispuštanju prečišćenih voda u gradsku kanalizacionu mrežu sa lokaliteta pogona, a sve prema investiciono-tehničkoj dokumentaciji - Glavni projekat postrojenja za tretman tehnoloških otpadnih voda sa linije alkalnog i kiselog cinčanja «ZE-STEEL GALVANO» d.o.o. Zenica urađen od strane «TQM» d.o.o. Lukavac, decembar 2022. godine.
 - 2.3. Da se u periodu do 10.12.2024. do 31.03.2025. godine završe aktivnosti na instaliranju dodatne opreme na postrojenju za tretman tehnoloških otpadnih voda.
 - 2.4. Da se u periodu od 01.04. do 31.07.2025. godine završe aktivnosti na povezivanju sistema za prečišćavanje tehnoloških otpadnih voda.
 - 2.5. Da se u periodu od 01.09. do 31.10.2025. godine uradi tehnički pregled instaliranog postrojenja za tretman tehnoloških otpadnih voda.
 - 2.6. Da se u periodu od 01.11.2025. do 28.02.2026. godine završe aktivnosti probnog rada postrojenja za tretman tehnoloških otpadnih voda.
 - 2.7. Da se u periodu od 02.03. do 31.05.2026. godine izvrši monitoring rada postrojenja.
 - 2.8. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 2.9. Da korisnik predmetnog pogona, za vrijeme trajanja ove dozvole, a nakon završetka radova predviđenih projektnom dokumentacijom, obezbjeđuje da se tehnološke otpadne vode nastale u postupku površinske zaštite metala - galvanizacija metala metodom cinkovanja nakon tretmana u postrojenju nesmetano sakupljaju i preko okna za monitoring ispuštaju u gradsku kanalizacionu mrežu.
- 2.10. Objekte kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana tehnoloških otpadnih voda nastalih u krugu pogona (postrojenje za tretman tehnoloških otpadnih voda sa linije alkalnog i kiselog cinčanja, kanalizaciona mreža, taložni kanali, sabirne kade, spremnici...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu održavanja radova neophodno je voditi službenu evidenciju i arhivu.

- 2.11. Da se usvojenim tehničkim i tehnološkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent na mjestu ispusta, ostanu u maksimalno dopuštenim granicama definisanim u Prilogu 28. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20 i 01/24).
- 2.12. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine a drugi put najkasnije do 30.06.2025. godine na obrascu iz Priloga B navedene Uredbe.
- 2.13. Nakon izgradnje postrojenja za tretman tehnoloških otpadnih voda i ostalih radova obuhvaćenih projektnom dokumentacijom i dinamičkim planom, Investitor je u obavezi da uradi Projekat izvedenog stanja kompletnog sistema za prikupljanje i tretman tehnoloških otpadnih voda i isti priloži prilikom podnošenja zahtjeva za izdavanje nove vodne dozvole.
- 2.14. Nakon realizacije projektom predviđenih radova na sistemu prikupljanja i tretmana tehnoloških otpadnih voda, u prisustvu nadzora radova izvršiti potpuno blindiranje (zatvaranje) postojećeg ispusta tehnoloških otpadnih voda iz taložnih kanala i prihvatnog bazena u gradski kanalizacioni sistem.
- 2.15. Da se obezbijedi siguran način skladištenja hemikalija koje se koriste u tehnološkom procesu površinske zaštite metala na način da se onemoguću dospijevanje istih u površinske i podzemne vode.
- 2.16. Da se u skladu sa propisima iz oblasti zaštite okoliša, vrši bezbjedno i redovno skupljanje opasnog otpada nastalog u postupku površinske zaštite metala kao i čvrstog opasnog i neopasnog otpada sa kompletnog kruga pogona (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode), isti propisno skladišti do njegovog konačnog zbrinjavanja od strane ovlaštene organizacije.
- 2.17. Čišćenje i održavanje postrojenja za tretman tehnoloških otpadnih voda, nakon realizacije svih projektom predviđenih radova i puštanja u funkciju istog, te skladištenje i zbrinjavanje sadržaja (taloga) iz postrojenja i ostalog opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvoza i zbrinjavanja sadržaja iz postrojenja za tretman otpadnih voda kao i preuzimanje drugog opasnog otpada neophodno je voditi službenu evidenciju i arhivu.
- 2.18. Vlasnik odnosno korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjestu ispusta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.19. Da se u roku važenja ovog rješenja ishoduje okolinska dozvola od nadležnog Ministarstva.
- 2.20. Otpad nastao u postupku instaliranja postrojenja, sadržaj (talog) iz taložnih kanala i postrojenja za tretman tehnoloških otpadnih voda sa linije alkalnog i kiselog cinčanja nakon instaliranja, kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.
- 2.21. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, vlasnik odnosno korisnik pogona je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogona i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine, uz uslov da se aktivnosti obuhvaćene tačkom 2. dispozitiva rješenja u cjelosti poštuju.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane korisnika objekta - pravnog lica «ZE-STEEL GALVANO» d.o.o. Zenica, u Agenciju je dana 18.09.2024. godine podnesen ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja u Poslovnoj zoni «Zenica I», grad Zenica.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-488-3/24 od 30.10.2024. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-23-000878 izdatog dana 15.08.2023. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 09.03.2020. godine od strane Porezne uprave Federacije BiH - Kantonalni porezni ured Zenica,
- Kopija Ugovora o zakupu poslovnog prostora zaključenog dana 15.12.2022. godine između «ZE-STEEL» d.o.o. Zenica i «ZE-STEEL GALVANO» d.o.o. Zenica,
- Glavni projekat postrojenja za tretman tehnoloških otpadnih voda sa linije alkalnog i kiselog cinčanja «ZE-STEEL GALVANO» d.o.o. Zenica urađen od strane «TQM» d.o.o. Lukavac (reg broj: 10-125/22, broj protokola: 6331/22, decembar 2022. godine) te revidovan od strane «Euroing» d.o.o. Bihać (broj rev: 02-01/23, januar 2023. godine) - na uvid,
- Kopija Rješenja o vodnoj dozvoli broj: UP-1/21-3-40-607-5/22 izdatog dana 12.04.2022. godine od strane «Agencije za vodno područje rijeke Save» Sarajevo,
- Kopija Potvrde broj: 203-682-2/23 SM o postojanju priključka poslovnog objekta «ZE-STEEL» d.o.o. Zenica na gradsku vodovodnu i kanalizacionu mrežu izdate dana 30.03.2023. godine od strane JP «Vodovod i kanalizacija» d.o.o. Zenica,
- Kopija Ugovora o izvođenju radova na čišćenju separatora i odvozu otpadnog mulja i taloga broj: 1579/21-DS zaključenog dana 15.11.2021. godine sa «DELTA PETROL» d.o.o. Kakanj,
- Kopije faktura broj: 001361-1 od 17.04.2024. godine i radnog naloga na terenu broj: 04/02/24 (zbrinjavanje mulja i taloga, otpadne emulzije u količini od 9.000 lit) dostavljeno do strane «DELTA PETROL» d.o.o. Kakanj,
- Kopija Zapisnika o inspekcijском nadzoru broj: UP1-14-21-2-00109/2024-1407-P-1407-1-P od 11.09.2024. godine urađenom od strane Federalne uprave za inspekcijske poslove - Vodni inspektor,

- Ovjeren Dinamički plan sa aktivnostima, finansijskom procjenom i rokovima realizacije za 2024., 2025. i 2026. godinu za izgradnju i puštanje u rad sistema za prikupljanje, tretman i ispuštanje tehnoloških otpadnih voda pogona «ZE-STEEL GALVANO» d.o.o. Zenica,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona u Zenici te je sačinjen zapisnik o izvršenom uviđaju broj: UP-1/21-3-40-488-2/24 od 29.10.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon za galvanizaciju metala lociran je u Poslovnoj zoni «Zenica I» na zemljištu označenom kao k.č. broj: 290/16 i 290/17 K.O. Zenica I, grad Zenica. Objekat je ranije korišten kao Industrijska hala «Radionica bravara» i kao takav je prodat pravnom licu «ZE-STEEL» d.o.o. Zenica od strane Općine Zenica dana 06.11.2008. godine. Predmetni pogon je izdat pod zakup ponosiocu zahtjeva od strane «ZE-STEEL» d.o.o. Zenica (priložen Ugovor o zakupu).

Pogon se sastoji od dvije proizvodne linije kapaciteta oko 250 tona/liniji/mjesečno. Proces alkalnog i kiselog cinčanja namijenjen za antikorozivnu zaštitu materijala (čelik, aluminij i zamak-legura Al i Zn) se sastoji od sljedećih postupaka: ulazna kontrola, kačenje sirove robe, toplo hemijsko odmašćivanje, ispiranje, bajcovanje, ispiranje, elektro-odmašćivanje, ispiranje, aktivacija, ispiranje, cinčanje, ispiranje, osvijetljavanje, pasivizacija, ispiranje, siler, sušenje, istovar i završna kontrola, izlazna kontrola. Linija I instaliranog pogona/postrojenja za površinsku zaštitu metala sastoji se od 25 kada (7 ispirnih kada) zapremine od 4,8-6,0 m³ dok liniju II čini 15 kada (5 ispirnih kada) zapremine od 1,25-5,4 m³. U toku uviđaja utvrđeno je da linija II nije u funkciji.

Prikupljene tehnološke otpadne vode (kiselo-alkalne vode nastale ispiranjem kada) se zasebnim kanalizacionim sistemom u podu objekta odvođe u prihvatni bazen zapremine 2 m³ a potom odvođe u gradsku kanalizacionu mrežu preko separatora ulja i masti instaliranog na susjednoj parceli (k.č. broj: 290/495 K.O. Zenica I) za potrebe samouslužne praonice vozila «OZONE» vlasništvo «ZE-STEEL» d.o.o. Zenica koja nije predmetom izdavanja ove vodne dozvole.

Istrošeni koncentraci nastali pri pražnjenju kada prikupljaju se u plastičnim kontejnerima i zajedno sa otpadnim talogom (privremeno deponovanim u kontejnere) odvoze od strane «DELTA PETROL» d.o.o. Kakanj prema posebnom ugovoru.

Snabdijevanje predmetnog poslovnog objekta vodom za sanitarne potrebe i hidrantsku mrežu obezbijedeno je priključkom na vodovodni sistem grada Zenica kojim upravlja JP «Vodovod i kanalizacija» d.o.o. Zenica. Sanitarno-fekalne otpadne vode iz toaleta za uposlone se prikupljaju zasebnim kanalizacionim sistemom te odvođe u gradsku kanalizacionu mrežu.

Projektnom dokumentacijom urađenom od strane «TQM» d.o.o. Lukavac, decembar 2022. godine predviđeno je instaliranje postrojenja za tretman tehnoloških otpadnih voda kapaciteta 4 m³/h koje ima kružni sistem sa jonskim izmjenjivačkim smolama za kiselo alkalne protočne ispirne vode i sistem šaržne obrade koncentrata.

Za predmetni pogon je u ranijem postupku, dana 12.04.2022. godine, od strane ove Agencije doneseno Rješenje o vodnoj dozvoli broj: UP-1/21-3-40-607-5/22. Navedeno Rješenje o vodnoj dozvoli izdato je u skladu sa članom 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20) uz uslov da se realizuju aktivnosti iz dinamičkog plana obuhvaćene tačkom 2.2. dispozitiva navedenog rješenja.

Prilikom uviđaja na terenu utvrđeno je da aktivnosti i rokovi navedeni u dinamičkom planu, a odnose na izvođenje radova po Glavnom projektu a koji su dati kroz uslove Rješenja, nisu u potpunosti ispunjeni.

Od podnosioca zahtjeva je u skladu sa članom 1. stav (1), (3) i (4) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 01/24) dopisom broj: UP-1/21-3-40-488-3/24 od 30.10.2024. godine zatraženo da dostavi detaljan dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje onečišćenih otpadnih voda na obrascu iz Priloga A ove Uredbe, razrađen po godinama i mjesecima sa konačnim rokom realizacije najkasnije do roka 30.06.2026. godine.

Dana 28.11.2024. godine dostavljen je dopis bez broja od 26.11.2024. godine sa prilogom Dinamičkog plana na obrascu iz Priloga A Uredbe.

U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica za period od 10. decembra 2024. do 31. maja 2026. godine. Aktivnosti i rokovi iz dinamičkog plana su propisani u dispozitivu ovog Rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju radova predviđenih dostavljenom projektnom dokumentacijom (Glavni projekat postrojenja za tretman tehnoloških otpadnih voda sa linije alkalnog i kiselog cinčanja «ZE-STEEL GALVANO» d.o.o. Zenica urađen od strane «TQM» d.o.o. Lukavac, decembar 2022. godine) je 31.05.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 2.3. do 2.7. dispozitiva.

Na osnovu dostavljene dokumentacije, uviđaja izvršenog na predmetnoj lokaciji i dostavljenog dinamičkog plana, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «ZE-STEEL GALVANO» d.o.o. Zenica ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda sa lokaliteta pogona za površinsku zaštitu metala - galvanizacija metala metodom cinkovanja smještenog u Poslovnoj zoni «Zenica I», grad Zenica te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «ZE-STEEL GALVANO» d.o.o. Zenica
ul Zmaja od Bosne bb, 72000 Zenica
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava